

***Көдзид из вылын ловъя дзоридз.  
Нора копыртча муыс дорөдз***

*Победа вужйөн ми өд век на олам,  
Да та вöсна и ыджыд миян лов.  
Көть луныс пемыд кымөръясөн волö,  
Век миян эм и сьылан, и нянь-сов.*

*Василий Лодыгин*

Война ... Кор кылан тайö кывсö, пыр жö сьölöмын лоö сьöкыд. Кымын морт ассьыс ловсö сетіс фашистлы, медым ми öні олім шудапырысь, тышкасьтөг. Быдöнлы войнаыс бергөдчис аслыспөлöса: кодлыкö тшыгъялөмөн, а кодлыкö сьöкыд уджөн да кынмөмөн. Ме серти, война кадыс – тайö медся сьöкыдтор, мый вермас вуджны морт аслас олөмас. Таво тырас сизимдас вит во война сувтөмсянь.

Менам чужанінысь, Кулөмдін районса Руч сиктысь, война вылө мунöмаöсь сизимсё морт, локтöмаöсь сöмын кыксё квайтымын көкъямысыс. На пөвстын вөлöма Степан Степанович Есев. Меным Степан Степанович лоö ылысса дядьөн мамлөн орд серти. Сійö чужлöма Руч сиктын сюрс öкмыссё дас көкъямысöд воын, помалöма сизим класса школа, мунöма служитны армияö, кытысь и босьтöмаöсь фронт вылө сюрс öкмыссё нелямын öтиöd воын. Война дырйи быдмöма лейтенантöдз, воөдчöма Берлинöдз. Вөлöма снайперөн, öтнас бырөдöма сёысь унджык фашистсö, мыйысь пасйöмаöсь Гөрд Знамя да Гөрд Звезда орденьясөн.

Степан Степанович йылысь миян рöдын ветлöны татшöм висетьяс:

«...Корсис Степан Есев Переченскöй ты дорысь, лунвывланьсьыс, аслыс позиция. Медводдза луннас жö, водз асывнас, куим немеч лэччисны ты дорö мыссьыны да купайтчыны. Öтик пöрччисис да пырис ваö, мөд кутіс мыссьыны, а коймöдыс кольчис берег дорö видзöдны. Есевлы удайтчис лыйны куимнансö: заводитіс коймөдсянныс да помаліс медводдзöн. Но буракö, немечъясыд сійöс кыйöдöмаöсь жö, найö восьтісны миномёт да пулемётысь артиллерия би, уна снаряд да мина зорвитчис сэні, көні дзебсьöмөн пукаліс Степан. Öдва коли ловъяөн. Кор заводитіс рөмдыны, воис аслас часьтö.»

«Öтчыд асывнас ми петім водз. Виччысям. И вот туй вылө петісны кык немец: öтиыслөн мышкуас термос öшалö, мөдыслөн киас то ли ведра, то ли бидон. Мунісны найö надзөн. Есев лыйис öтчыдысь, сэсся мөдысь. Кыкнан немецыс колины сэтчö куйлыны. Та бöрын сэсся некод нин эз петавлы тайö туй вылө».

Со öд кутшöм ыджыд доныс öтка стöча лыйсьысылөн!

Менö зэв ёна шемöсмөдö сылөн збойлуныс. Мыйтатор повтöм салдат вöчис, мед ми олім лöсьыд олөмын!

Сылөн землякыс, миян нимйöза поэт Василий Лодыгин весиг кывбур сылы сиöма.

*Степан Степаныч Есев том на вöлі,*

*Но ловнас збой да яйнас-лынас ён.  
Фашистёс тиолсийис гожёмын и тёлын,  
Ёд снайпер вёлі Ручысь коми зон.*

Кувсьёма Есев Степан Степаныч Сыктивкарын сюрс ёкмыссё сизимдас витёд вося төвшөр төлысь 12 лунё. Дзебёмаёсь Сыктивкарса шөр шойнаё.

Миян Руч сиктё лосьёдісны казтылан пёв. А став уджсё вёчис Сергей Викторович Таскаев. «Татшём морт йывсьыс, коді збыльвылө герой, колө төдны став бур йёзлы» - мөвпыштіс Сергей Викторович да босьтчис корсьысьны материал. Локтіс Ручё февраль 6-ёд лунё. Аскөдыс вайис С.С.Есев йылысь сюрём нин став гижөдсё да фотографиясё.

Ми кутам век казтывны Есев Степан Степановичёс – миян сиктысь война вылө мунлөм морт и ог вунөдөй сылысь подвигысё. Миян сёлөмын век кольө тайё мортыс, ёд Есев Степан ыджыд и пыдди пуктана морт.

*Ті, ручсаяс, эн вунөдөй шань питө,  
Эн вунөд сійёс, дона Эжва йыв.  
Ёд, вунөдам кө, колям шоныд битөг  
Да кынмас миян кыпыд сыланкыв.*

*Збой снайпер Есев талун ёна колө,  
Кор видзөдөны пурны тан и сэн.  
Победа вужнас водзө вай ми олам,  
Мед нэмсё некод миянёс оз вен.*

Талун ме велөдча юркарса искусство гимназияын, гуманитарнөй юкөдын. Айму вёсна Ыджыд война пыр ылысмө и ылысмө. Ми, өнія том йёз, этша лыддьысям, этша төдам на йылысь, кодъяс вөчөны военнөй история. Меным окота сёлөмсянь видзны война йылысь паметсьё, окота ветлыны сэтчө, көні корсьысьёны и лэпталёны усьём солдатъясёс, муөдз копыртчыны налы, пуктыны дзоридзъяс гу выланыс.

Тайё гижөднас ме нёшта көсья висьтавны, мый зэв ёна радейта ассьым рөдвужёс. Чужан мусё пёся радейтысьясёс, асьсё жалиттөг сылы служитысьясёс. На вылысь ме велөдча сёлөмсянь радейтны ас му.